

سنه لکی در سعادت ایچون مجیدیه  
یکرمی غروش حسابیله التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# قانون مجازات

آبونه اولمق ایستینار دایره عدلیه ده  
اداره مخصوصه سنه مراجعت  
ایتملدر

اعلانک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## توضیحات

کوکلی قضای بدایت محکمه سی مدعی عمومی  
معاونلکی قره طوه قضای بدایت محکمه سی مدعی  
عمومی معاونی مصطفی نوری اقدی به  
قره طوه قضای بدایت محکمه سی مدعی عمومی  
معاونلکی کوکلی قضای بدایت محکمه سی مدعی  
عمومی معاونی توفیق طارق اقدی به  
شارکوی قضای بدایت محکمه سی مدعی عمومی  
معاونلکی قونیچه قضای بدایت محکمه سی مدعی  
عمومی معاونی عبده نسیب اقدی به  
قونیچه قضای بدایت محکمه سی مدعی عمومی  
معاونلکی جسرارکنه قضای بدایت محکمه سی مدعی  
عمومی معاون سابق امین بکه تفویض بیورلمش  
وموی الیهدن محلف اولیان امین بک امر تحلیفی  
دردست اجرا بولنشدر.

## تبلیغات

انجمن عدلیه دن تنظیم واعطا قلنان مذکره در:  
مدیونک اقامته مخصوص ومسقات موقوفه دن  
اولان خانه سی فراغ اتمک اوزره بوجه پشین اخذ  
ایدوبده بالاخره تقریر رسمیسنی اعطادن امتاعی  
وقوعه مبنی استرداد حکم واعلامه ربط اولنان بی  
اچسنگ استیقای ضمتده اجرا قانونسنگ الی  
اوجنچی ماده سنگ فقره اخیره سی موجبده مذکور  
خانه نک بالزاید فروختی اقتضا ایدجکی بک اوغلی  
بدایت محکمه سی ریاست اولاسندن وقوعبولان استفسار  
اوزرینه ۹ اغستوس سنه ۳۲۰ تاریخی مذکرده  
بیان اولنشیدی.

ذکر اولنان اعلام نظامی ایله محکوم علیها اولان  
کامله خام جانتندن بوکره اعطا اولنان ایکی قطعه  
عرفیه ده بو مسئله دن طولانی بک اوغلی بدایت  
محکمه سی ایکنچی حقوق دانه سندن ویریلان مذکور  
اعلامده کونلریکی اوزره مسکن شرعیسی اولان

خانه حصه سنگ تقریر رسمیسنی اعطایه مجبوری  
حقنده خصمی امین اقدینک اقامه ایلدیکی دعوانک  
بوابده اذن متولی لحوقله عقد واقعک تکمل ایتماش  
اولسندن ناشی ردیله یالکز مدعابه اولان الی لیرانک  
کندوسندن تحصیلنه حکم ایدلمش اولسنه نظراً اقدی  
مومی الیهدن آتنان مذکور الی لیرانک بدل فراغ  
عد ایدیلیمه جکی ومحکمه مزبورده دین عادی  
صورتنده تلقی اولسان بر مبلغدن طولانی مقاوله  
منعقدنک عدم صحتی جمله مقرراتدن بولسنه قارشو  
حصه مذکورده نک فروختی جهته کیدلمسنگ احکام  
قانونیه واعلام مزبورک مندرجات حکمیسیله قابل  
تألیف اوله میه جتی بالیان تکرار اجرای تدقیقات  
اولسنی طلب واستدعا اولنشدر.

موضوع بحث اولان اعلامک عرفیه ده مربوط  
صورت مصدقه سی مطالعه سندن منضم اولدینی اوزره  
مذکور خانه نک وقف ملک ایله مخلوط اولان ایکی  
حصه سنگ بدل معلوم مقابلنده عهده سنه امر فراغک  
اجرا قلنه جتی متضمن مومی الیهها کامله خامک  
ویرمش اولدینی سند موجبده تقریر رسمیسنی اعطا  
ایتمسنگ حکم آلتیه آلتیه حقنده مومی الیه امین  
اقدی طرفندن اقامه اولنان دعوانک صحتی متولینک  
لحوق اجازته متوقف اولسندن ناشی ردیله اولجه  
آلتان ولزوم استرداد جمله ادعادن اولان الی  
لیرانک مع فائض مومی الیهادن تحصیلنه قرار ویرمش  
اولسنه کوره مبالغ مزبورده نک بدل فراغه محسوب  
استیقا ایدلمش بی اچسسی ایدوکی مثبت ومتحقق  
اولدینی کبی فراغ واقعک عدم صحتی نقطه سندن  
اولباده کی ادعانک ردینه قرار ویرمش اولسندن  
مذکور خانه حصه سنگ فراغی مقاوله سندن متولد  
اولان بدل مزبورک بموجب حکم واعلام خام  
مومی الیهادن تحصیلی ضمتده اجرا قانونسنگ الی  
اوجنچی ماده سنگ فقره اخیره سی منطوقجه بالزاید  
فروختی بولنده معامله قانونیه جریانه مانع اوله میه  
جتی درکار بولمش وعهده سندن بولنان مسقات  
موقوفه بی مرجع رسمیسنده فراغ ایدجکی تعهد  
ومقاوله سیله مأخوذی اولان بی اچسسی بالاخره

اعطای تقریردن استنکاف ایله برابر مسکن شرعی  
ادعایله تسویه وایفادن امتناع ایدنلر حقنده محافظه  
حقنوقه کافل اولان سالف الذکر ماده قانونیه نک  
تعیین وارائه ایلدیکی معامله استثنائیه نک جریانی  
امور لازمه واجباب معدلندن کورنمش اولدیغندن  
خام مومی الیهانک اعلامده محکی اقراری وجهله  
الیه سنه مقدم مأخوذی اولوب هنوز تسویه وایفا  
ایتمدیکی وبوندن طولانی خصمی محاکمه مراجعه  
مجبور ایتدیکی آکلاشیلان بی اچسسی دفعه ویاخود  
الاجقنونک انضمام رضایله مقسطاً تسویه وایفا ایله  
مذکور خانه حصه سنگ مزایده سی تأخیر ایتدیرمک  
کی معقول وشایان قبول تشبثانده بولسنی قاعده  
عدل وحقانیه ده زیاده توافق ایدجکی درکاردره  
مع هذا تفصیلات مسروده مطالعات سابقه نک اصابت  
قانونیه سی تکرار نقطه سنه منحصر اوله رق انجمنک  
بویله مسائل قانونیه به متعلق مأمورین اجرائیه وسائر  
دوائر عدلیه دن وقوعبولان استفساره جواباً تنظیم  
واعطا ایلدیکی مذکره لر مندرجاتی علیهنده محاکم  
مقرراتی کبی طوغریدن طوغری به علاقه داران  
طرفندن سرد ایدیلان اعتراضاتک تدقیقی وظیفه سیله  
مکلف اولیوب انجق استفسار سابق اجوبه سنگ  
تردد واقعی دفعه کافی کوریه مامسندن ویاخود احد  
طرفندن بالاخره درمیان اولسان ادعا ومدافعانک  
ینه محتاج ایضاح مسائله تعلق بولسندن ناشی دوائر  
متعلقه سندن بتکرار ویریه جک مذکره لر اوزرینه  
تدقیقات مقتضیه اجراسی اصولاً مجاز بولمش  
اولدیغندن مستدعیه نک اعتراضات مذکورده سی ریاست  
اولایه بیان وافاده ایتسی ویاخود بوابده کی ادعاسندن  
طولانی محکمه عانده سنه بالمراجعه تأخیر مزایده  
بولنده وذات مسئله حقنده حکم وقرار استحصا  
ایلمسی لزومک کندوسنه تفهیمیه برابر احوال مانده ده  
دخی شو اصولک محافظه سی ضمتده اوراقک امور  
حقوقیه مدیریتنه تودینی تذکر قلندی.



# الحاکم فی قضاة

در سعادت استیفاء مدعی عمر بکند:

شام اهالیستند و ایوبی زاده لردن اولوب وادی المعجم دیون عمومی مأموری ایکن اوروپایه فرار ایتمسندن ناشی اتهام قلنان خالد منیف حقنده اصول محاکمات جزائیة قانونک اوچیوز یتیش برنجی مادهسی موجبجه معامله مقتضیه ایضا و محاکمه غیایهسی بالا اجرا نتیجه سنده مرقومک فرار یلردن بولندینی قومیسون مخصوصک مضطهسی مندرجاتیه ثابت اوله رق عسکری جزا قانوننامه هایونک یوز اوتوز ایکنجی مادهسی حکمه توفیقاً آتی ماه مدتله حبسنه و مأموریتندن طردینه و جزا قانوننامه هایونک اوتوز برنجی مادهسی منطوقجه حقوق مدینه دن اسقاطنه و اموال محجوزه سنک اصولی دأره سنده اداره ایتریسنه محکمه جانیتن حکم اولمش و اصول محاکمات جزائیة قانونک اوچیوز یتیش یدنجی و اوچیوز یتیش سکرنجی و اوچیوز سکسان برنجی ماده لریله مواد سائرہ سی احکامنه توفیق معامله اولمشی مرجعه بیلدرمش اولغله مذکور اوچیوز یتیش سکرنجی ماده نک جمله احکامندن اولدینی اوزره اعلان کیفیتہ ابتدار اولنور.

اورمان قولجیسی احمدشریفی قتل ایلدیکی ادعا اولتمسندن دولای جنایتله اتهام اولنان بانوسک اوج سنه مدتله کورکه قولسنه دأر لاذیه سنجانجی بدایت محکمهسی جزا دأره سندن ویریلان ۳۵ نومرولی اعلام

ساقه قریه لی ابراهیم و عمری قتل و داربرو قریه سندن مواتی غصب ایلدیکری ادعا اولتمسندن دولای جنایتله اتهام اولنان علی و محمدک اون بش سنه مدتله کورکه قولنلریه دأر کرکوک سنجانجی بدایت محکمهسی جزا دأره سندن ویریلان ۱۹۰ نومرولی اعلام

حاجی علی نی جرح ایله کوزینک رؤیتدن محرومیتنه سببت ویردکری ادعا اولتمسندن دولای جنایتله اولنان

مصطفانک اوج سنه مدتله کورکه قولسنه و محی الدینک بش کون حبسنه دأر سوریه ولایتی استیفاء محکمهسی جزا دأره سندن ویریلان اعلام

بیفادیجه قریه لی فیهی بالطه ایله قتل ایلدیکی ادعا اولتمسندن دولای جنایتله اتهام اولنان عبدکک اون بش سنه و قتل مذکورہ معاونت ایلدیکی ادعایه کذلک جنایتله اتهام اولنان کریمک اوج سنه مدتله کورکه قولنلریه دأر سر فیچه سنجانجی بدایت محکمهسی جزا دأره سندن ویریلان ۴۳۴ نومرولی اعلام

لوغه قریه لی سعیدی قتل ایلدیکری ادعا اولتمسندن دولای جنایتله اتهام اولنان سلیمانک اون بش سنه مدتله کورکه قولسنه و طاهر و یرامک برائتلیه دأر برشته سنجانجی بدایت محکمهسی جزا دأره سندن ویریلان ۱۴۰ نومرولی اعلام

یکی واروش محلی وانی قتل ایلدیکی ادعا اولتمسندن دولای جنایتله اتهام اولنان اسپرونک اون بش سنه مدتله کورکه قولسنه دأر قوصوه ولایتی استیفاء محکمهسی جزا دأره سندن ویریلان ۹۷ نومرولی اعلام

مویاس قریه لی شاهین و برادری امینی قتل ایلدیکی ادعا اولتمسندن دولای جنایتله اتهام اولنان ماهی نک اون بش سنه مدتله کورکه قولسنه دأر کورجیه سنجانجی بدایت محکمهسی جزا دأره سندن ویریلان ۱۴۵ نومرولی اعلام

براج محلی احمدک معامله جبر و شونده اشیا سی و قنود و حیواتی غصب ایلدیکی ادعا اولتمسندن دولای جنایتله اتهام اولنان احمد محمودک اوج سنه مدتله کورکه قولسنه دأر حاسنجانجی بدایت محکمهسی جزا دأره سندن ویریلان ۵۹۱ نومرولی اعلام

۳۴۰ نومرولی نسخه ده مندرج در سعادت

جنایت محکمهسی اعلام نک بقیه سی :

خاضکوبده قزل مناره ده تیور قمو محله سنده فشکخانه ده تنکجی میشونک خانه سنده مقیم بیری باشاده خالی اور بیلجکی ایدن اون طقوز باشنده آستانه لی موئیس نام دیگر میشون ولد نسیم وقعه کیجهسی ساعت ایکی راده لرنده سادیکک قهوه خانه سنده اوطور مقده ایکن حضور محکمه ده کی متهم یاقو بالورود مقتول یاقو قهوه خانه ده بولنان برادری ایله کرسونه اوه کیتلمری اخطار ایلمسی اوزرینه متهم یاقو مرقومانک عزیمتلیرینه نمانت ایلدیکی کی مقتول یاقوه دخی سولنمکه یکدیگر یله منازعه به باشلا بقری لریه الذقاری اسکملر ایله مضاربیه قیام ایش ایسه لرنه میدان ویریه رک

قهوه جی سادیک مرقومانی طیشاری چبقاردینی و مرقومان قهوه خانه خارچنده دخی نزاعه دوام ایله بر آره لاق بولردن مقتول یاقو قاجق ایستیه رک بر قاج آدم قوشدقدن صکره یره دوشمکه مرقومی تعقیب ایدن متهم یاقو یتیشه رک اوسته بندیکی صکره ده مقتول یاقونک برادری بنیامینه امان بنیامن بی اوردی دبدیکی ایشتدیکی کی بونک اوزرینه متهم یاقونک دخی فرار ایشتدیکی کوردیکی افاده مضبوطهسی دأره سنده اخبار و عند الاستیضاح هر ایکی یاقوده بجایه دأر برشی کورهمدیککی و قهوه خانه صدالیهی ابتدا کیمک قالدردینک دخی فرقدده اوله مدینگی و شاهد رفائیک متهم یاقوه اوردینگی دخی بیلمدیکی تذکار و متهم یاقونک حضور محکمه ده کی شخص ایدوکی علاوه تذکار ایلدی .

شهادت مذکورده ده نه دیه جکی متهم یاقودن عندالستوال سبب کوستریمه رک قبول ایتمه جکی بیان ایندی .

خاضکوبده ترشیجی محله سنده حریق محله ده برخانه ده مقیم باندیسپانیجی یکریمی بریاشنده آستانه لی بنیامن ولد آرون وقعه کیجهسی کندوسی و برادری مقتول یاقو و کرسون قهوه خانه ده اوطور دقدن صکره ساعت ایکی یقی راده لرنه کیده جکلری ائشاده متهم یاقو بالورود کرسونه اوطور کتیمه جکسک دیمسی اوزرینه برادری مقتول یاقو منعه حق اوله میه جغنی حکایه ایتمکه برابر یکدیگر بینه اورمق ایچون برر صدالیه آتش ایسه لرنه قهوه جی سادیک ادرینه کیره رک جمله سی طیشاری چبقاروب قهوه خانه ی سد ایشتدیکی و مقتول مرقوم قهوه خانه نک اوکنده طور مقده ایکن متهم یاقو قهوه خانه اتصالده کی میخانیه کیره رک دستکاهدن آلدینی برقدجی برادرینه طوغری آتمسیله مرقوم فراره باشلا دینگی و متهم یاقو دخی مرقومی تعقیب ایدرک برادرینک یره دوشمسی اوزرینه اوسته چقبوب بجاقله بوغازندن جرح ایله فرار ایشتدیکی و مقتول مرقوم دخی یارم ساعت صکره وفات ایشتدیکی مضبوط افاده سی وجهله حکایه و دیدیکی یاقونک حضور محکمه ده کی متهم ایدوکی افادته علاوه ایلدی .

متهم یاقو شاهد مرقوم مقتولک برادری اولدینندن شهادتی قبول ایتمه جکی سولیدی .

محل مذکورده یوزباشی عارف اقدینک خانه سنده مقیم اولوب رؤی قاریقه سنده سیغاره جیلقی ایدن اون اتی باشنده آستانه لی غارسون ولد خایم دخی مضبوط افاده سی وجهله وقعه کیجهسی بر معتاد مقتول یاقو و برادری بنیامن ایله برلکده سادیکک قهوه خانه سته کیدرک اوطور دقدن صکره ساعت ایکی یقی

راده لرنه خانه لریه عودت ایده جکلری ائشاده حضور محکمه ده کی متهم یاقو بالورود بن کادهمه آنک ایچونکی کیده یورسکر اوطور یکزر دیمسنه قارشو مقتول مرقوم بن سولیم کیده جکلر سنک نه وظیفه ک دیوسولسیله مرقومان حدتله رک برر اسکمله لوب یکدیگر بینه مهاجمیه باشلا دقاری صکره کندوسی خوف ایدرک قهوه خانه دن چقبوب خانه سته کیتدیکی و بر مدت صکره مرقوم یاقونک قتل اولدینگی خبر الدینگی بیان ایلدی .

بوشاهدک شهادته دخی نه دیه جکی صوریلان متهم یاقو سبب کوستریمه رک مرقومانک شهادتی دخی قبول ایتمه جکی سرد ایندی .

ستبضاح واقع اوزرینه طرفین توسیع تحقیقاته متعلق بشقه طلبری اولدینگی سوللریله تحقیقاتک بوندن عبارت ایدوکی بیان اولدقدده معاون موئی الیه متهم یاقو سالتینک بیلردن وقوعه کلان منازعه اوزرینه بالتهور دیگر یاقویی جرح و قتل ایلدیکی کندوسنک منازعه یی اقرار ایلمسی و شهادت و سائر دلائل و امارات ایله ثابت اولدینندن اول وجهله مجرمیتنه قرار اعطاسنی طلب ایلدی .

مدافعه وکیلی آرتین زلیحیان افسدی دخی موکلک فعل قتل ایقاع ایلدیکنه دأر برکونه اقراری سبق ایتمدیککی و موکلکک بجایگی مقتولک بوغازینه صابلا دینی حقنده بالکزر برشاهدک افاده سی بولنوب نجق کیجه نک ظلمتندن وقعه تماماً کوریه میه جکندن بوشهادته تأمین وجدان ایده میه جکی و طیب راپوری دخی قتلک وقوعی اثبات ایدوب بوقسه قاتلی تعیین ایتمه جکی و دلائل سائرده مقنود ایدوکی بالیان موکلکک برائته قرار ویرلمسی استدعا و متهمه بشقه دیه جکی اولدینگی انبا ایلملریله محاکمه نک ختام بولدینی افهام اوله رق مذاکره اوطه سته کیدلدی .

برمنوال مسطور طرفینک ادعا و مدافعاتی استماع و اوراق تحقیقه تدقیق و مطالعه اوله رق مندرجاتی استطلاع اولدقدن صکره ایجاب کیفیت لدی المذکره متوفی حلبی یاقونک عفتنک جرح اولتمسندن شریان ثباتی اصلی قطع ایدلرک سیلان دم خارچیدن وفات ایله یکی طیب راپوریه مثبت اولوب فاعلی حقنده کی اسباب ثبوتیه تدقیق ایدلکده وقعه کیجهسی قهوه خانه ده اوطور دقدن صکره خانه لریه عودت ایده جکلری ائشاده متهم یاقو سالتی بالورود کیتلمری منع ایتمی اوزرینه مقتول یاقو ایله متهم میانه سنده منازعه ظهور ایدرک یکدیگر بینه اسکمله قالدردقاری کورمسیله خوفندن چقبوب کیتدیکی و مؤخرأ فعل قتل خبر الدینی شهود مستمع دن غارسونک مع القسم بسط و تمهید و قهوه جی سادیک دخی مرقوم

غارسونک شهادتی تأیید المسیله ولیه مذکورده ایشتدیکی برکورتلی به باندیننده مقتول یاقونک قوشمغه و متهمک دخی مرقومی تعقیب ایتمکه باشلا دقاری و صکره دن قتل وقوعی ایشتدیکی بقال یاقونک اخبار و بوجه بالا متهمک مقتولی تعقیب ایتمکه ایکن مقتولک یره دوشمسیله متهم یتیشه رک اوسته بینهی عقیبنده مقتول مرقومک برادری بنیامینه امان برادری اوردی دبدیکی ایشتدیکی کی متهمک دخی فرار ایلدیکی کوردیکی موئیس نام دیگر میشونک تذکار و شاهد رفائیل ایله بنیامینک دخی مرقوم موئیسک افاده سی تکرار ایله برابر متهمک ائده کی بجایگی مقتولک بوغازینه صابلا دینی دخی کوردکری علاوه کفتار ایلملردن قتلک متهم یاقو طرفندن صدوری تحقق ایتمکه و ذاتاً متهم مرقوم دخی منازعه یی اقرار و کویا اخبارنک خلافه اوله رق مقتولک کندوسی تعقیب ایشتدیکی صکره ده دوشدیککی حس ایلمسی اوزرینه باقدیننده مقتول مرقومک بجایگی کندی اوکنده کورمکه الهرق مرقومه آدینی فقط جرح ایدوب ایتمدیککی بیلمدیکی بولنده تأویله قیام ایدرک بینه قتلک کندی طرفندن وقوعی بالطوع والرضا معترف و مقر و کیجه وقتی محل وقعه ده بولسانلرک یانلرنه ایقاع اولنان قتل فرق و تعیین ایده بیه جکلری امر باهر بولنغله و مادامک متهم مقتولی الته الهرق قتل ایتمشدر فعلده مدافعه و مقابله شامیهسی دخی مشاهده قلنه ماش و رفائیک کندوسی ضرب ایشتدیکی قول مجرندده قالدقدن معاداً دیگر شاهد بنیامینک مقتولک برادری بولنسی قانوناً استماعه غیر مانع و اسباب موجب مبسوطه و کیلک کافه مدافعاتی دافع کورتمش اولغله و الحاصل متهم یاقو سالتی نک اوچیوز اون طقوز سنه سی شباطنک اون بشجی بازار برتسی کیجهسی خاضکوبده بیری پاشا محله سنده بیلرنده وقوعه کلان منازعه اوزرینه بالتهور حلبی یاقویی جرح و قتل ایلدیکی علی الدرجات واقع اولان شهادت و قرائن سائره محرره ایله تحقق ایتمکه مرقوم یاقو سالتی نک اول صورته مجرمیتنه متفقاً قرار ویریه رک محاکمه اوطه سته عودته قرار مذکور علناً قرائت و بیان اولدقدده معاون موئی الیه مجرم یاقو سالتی نک قانون جزانک یوز یتیش دردنجی ماده سنک فقره اولاسنه توفیقاً تعیین جزاسنی طلب و بیان و وکیل مدافع ایله متهمه بشقه دیه جکلری اولدینگی اتیان ایلملریله بوجهت محاکمه نک ختای دخی تفهم اولنله رق تکرار مذاکره اوطه سته کیدلدی .

جهت جزائیه سیده مذاکره ایدلکده مجرم

یاقونک فعل و حرکتی قانون جزانک یوز یتیشجی ماده سنک فقره اولاسنه موافق و فقره مذکورده : و برکیمسه من غیر تعمد بر شخصی اتلاف ایش ایسه اون بش سنه مدتله کورکه وضع اولنور عبارتیه ناطق اولدینندن مرقوم یاقونک فقره مذکورده حکمه توفیقاً و ابتدای توقیفی اولان اوچیوز یکریمی بر سنه سی ذی الحجه سنک اون دردنجی کوندن اعتباراً اون بش سنه مدتله کورکه قولسنه وضبط و اعلام و استنطاق خرجاری اولان جمأ یوز اوتوز غروشک کندوسندن تحصیلیه عدلیه و زنه سته تسلیم ایتریسنه اوچیوز یکریمی سنه سی نسانک یکرمنجی کونی بالاتشاق قرار ویریه رک اصول تفهیمی اجرا قلندی .

یائیک مارغاریته تشهر سلاح ایشتدیکی ثابت اوله مدینندن برائته

ماددیککی ضرب ایلدیکری ثابت اوله میسان عاصم و عارف اقدیلرک برائتیه

مصطفای ضرب ایشتدیکی ثابت اوله میان نائل بکک برائته

علی چاوشه حقارت ایشتدیکی ثابت اوله میان عمرک برائته

یورکینک مجروحیتنه سببیت ویردیککی ثابت اوله میان عثمانک برائته

ملونیایه تشهر سلاح ایدرک اموال منقوله سته ایراث خسار ایشتدیکی ثابت اولان قسطنطک اونیش کون حبسنه

عمرناس اولان محله حیوان قوشدردینی اصولاً ثابت اولان نوریدن اتی بشلک جزای تقدی اخذینه آرتینک دکانه طاش آدینی ثابت اولان واحانک یکریمی درد ساعت حبسنه و اتی بشلک جزای تقدی اخذینه

علیه خانی ایصیرمق صورتیه جرح ایشتدیکی اصولاً ثابت اولان حیدر اقدینک یکریمی کون حبسنه

خلاف تنیه سلاح طاشیدینی ثابت اولان قصاب بئایوبدن بش بشلک جزای تقدی اخذینه

سایس اسلام نام شخصک خلاف تنیه حرکتی اصولاً ثابت اولدینندن بش بشلک جزای تقدی اخذینه برونک اموال منقوله سته ایراث خسار ایشتدیکی ثابت اولان استاوریدن اون بشلک جزای تقدی اخذینه

منا یورکینی ضرب و جرح ایشتدیکی ثابت اولان میچونک اون بش کون حبسیله کندوسندن بر لیرا الهرق مضروب اعطاسنه



موسيو لودوويقهيه تشهير سلاح ايديكي ثابت  
اولان يوركينك اوج كون حبسه  
هاريقلياني ضرب وجاملري شكت ايديكي  
ثابت اولان ديمتريك مكرلكي حسييله برماه حبسه  
درسعادت، بك اوغلي واسكدار بدایت محكمه لری جزا  
دائرة لرنجه قرار ویرلمشدر.

## مُجَالِلاتُ نَدَبِاهِيَّة

شيله قضای بدایت محكمه سی مدعی عمومی  
معاونی وکیلی پولیس قومیسری علی رضا افندیك  
وظیفه قانونیه سی سوء استعمال ایلیکی درسعادت  
استیناف محكمه سی مدعی عمومیلکندن وارداولان  
اوراق تحقیقه محتویاتندن اكلاشلمغله مومی اليك  
اجرای محاکمه سنده عدليه نظارت جلیله سندن مأذونیت  
ویريله رك مذکور مدعی عمومیلکه تبلیغات مقتضیه  
اجرا ایدلمشدر.

## اِخْلَافَاتُ

ایکینجی تجارت محكمه سنده :

سرکه جیده خوراسانچیان خاندنه ۱۶ نومروده  
مقیم قومیسونیجی ماردیروس مایلیانك ۱۹ کانون تانی  
سنه ۳۲۰ تاریخندن اعتباراً اعلان افلاسنه ومصالح  
افلاسیه نك رؤیت وتسویه سی ضمننده اعضای  
محكمه دن سعادتلو رضا بک ژوز قومیسر  
ودعوی وکیللرندن اونیک اقیان افندیك موقت  
سندیک تعیینلرینه ومغازه واشیای زانده بیتیه سندنك  
تجهیزینه واوراق ودقارینك جلبنه وكفالت ارانه  
ایده مدیکی تقدیرده توقیفه وبوباده کی قرارك موقه  
اجراسنه ایکینجی تجارت محكمه سندن قرار ویرلمش  
اولدیغندن قانوننامه تجارتك ۱۷۰ نجی ماده سی  
موجبجه دائمی سندیکلر انتخاب اولنق اوزره [۷  
شباط سنه ۳۲۰] بازار ايرتسی کونی ساعت یدی  
راده لرنده اصحاب مطلوبك محكمه مذکوره نك افلاسه  
مخصوص اولان اوطه سنده کللری اعلان اولنور.

اعلومات شرعیه اجرا دائره سنده :

متوفی جودت افندی ورته سندن قابضمال اصنافندن  
خلیل براهیم بك ذمتنده بااعلام شرعی الاجقلری  
اولان مبالغ معلومه نك تأمین استیفاسی ضمننده  
مدیون مومی اليك عهده سنده اولوب دینی مقابلنده  
مرهون وفروختی محکوم بولنان قبان دقیق قربنده  
خضر بك محله سنده زیرك جاده سنده واقع طقسان بش

نومرو ایله مرقم عربیه فاریقه سی دروننده مستقر  
اون یکی رأس بارکیراعتبارلو بروجه ملکیت بردکرمان  
کدکی ایله باب جعفری خارجنده اخی چای محله سنده  
یش اسکله سی جاده سنده واقع طقسان یدی نومرو  
ایله مرقم بر باب دکان دروننده مستقر وقف آلات  
لازمه معلومه نك ثلث حصه شایعه سندنک اشبو تاریخ  
اعلانن اءاراً اون بش کون صکره بالمزایده فروخته  
تشبث اولنه جغندن طالب اولوب پی سورمک ودها  
زیاده معلومات المی استیانلرک مدت مذکوره  
ختامندن صکره درسعادت اعلامات شرعیه اجرا  
دائرة سنده مراجعت ایلملری دائرة مذکوره دن اعلان  
اولنور.

محكمه تجارت اجرا دائره سنده :

فرانسه دولتی تبعه سندن موسیو هازی غودمان  
ایله ایالتیا دولتی تبعه سندن موسیو برناسقونك ایساق  
آدوت والبر آیش شرکستندن مطلوبی اولان مبالغك  
تأمین استیفاسی ایچون مقدما حجز ایدیلوب فروختی  
قرار آلتیه آلتان کذابجی اوغلی خاندنه واقع اون  
آلتی نومرولی اوطه دروننده موجود بولنان اییک  
قماشلرک تاریخ اعلانن اعتباراً اوج کون صکره یعنی  
(۲۴ کانون تانی سنه ۳۲۰) بازار ايرتسی کونی بالمزایده  
فروخت اولنه جغندن اشترايه طالب اولانلرک یوم  
مذکوره ساعت درت راده لرنده اشیای محجوزه  
مذکوره نك محفوظ بولندیفی مذکور کذابجی اوغلی  
خاندنه حاضر بولنلری محكمه تجارت اجرا دائره -  
سندن اعلان اولنور.

ایساق مالتی افندیك دوقور ژوزف قاریبو  
افندی ذمتنده ایکینجی محكمه تجارت اعلامیه محکوم به  
اولان اله جغنگک تسویه سیچون مدیون مومی اليك  
اورته کویده باغچه زقاغنده حد انتقالی توسیع اولنمش  
۳۰ و ۳۲ و ۳۴ و ۳۶ نومرولو کارکیر درت باب  
دکان ایله بهری اوجر اوطه وبرر صفه ومطبخ وارقه  
طرفلرنده برر مقدار باغچه ومشمولات سائرینی  
حاوی مکرر اوتوز التی نومرولو ایکی باب خانه  
بولندن اقدم موقع مزایده قونیلهرق عثمانلی لیراسی  
یوز غروش حسابیه مذکور خانه لردن سیغاره جی  
کالک مستأجر بولندیفی خانه عثمانلی لیراسی یوز  
غروش حسابیه طقوز بیک یوز غروش و دیگر  
خانه سکزی بیک التیوز غروش و اوتوز نومرولو  
دکان التییک بشیوز التی غروش و اوتوز ایکی  
نومرولو دکان التییک سکزی یوز غروش و اوتوز  
درت نومرولو دکان التییک التی غروش و اوتوز  
التی نومرولو دکان یدی بیک ایکیوز التی غروش

بدلر ایله طالبی عهده سنده قلمش وتاریخ اعلانن  
اعتباراً اوتوز بر کون یعنی کله جک شباط رومینک  
یکرمی ایکینجی صالی کونی ساعت اونه قدر یوزده  
بش ضم قبول اولنمش و ذکر اولنان یوم وساعته  
صوک مزایده سی بالاجرا قرار قطعیسی ویريله رك  
طالبی عهده سنده کچورلمسی مقرر بولنمش اولدیغندن  
واندن صکره هر نه ضم وقوعبور ایسه قبول  
اولنیه جغندن املاک مذکوره یوزده بش ضمیله  
طالب اولانلرک ودها زیاده معلومات المی استیانلرک  
بدل مزایده نك عشرینه مساوی پی اچیه سیله برابر  
مدت مرقومه ظرفنده محكمه تجارت اجرا دائره سنده  
مراجعت ایلملری و یوم ووقت مزبوره املاک  
مذکوره یشکاهنده مأموری مواجهه سنده حاضر  
بولنلری اعلان اولنور.

قسطاک و نیقولای نیقوره چو برادرلرک اموالی  
اولوب غلطه ده خلیل پاشا زقاغنده درت والتی ویکرمی  
اوج نومرولو مغازه لرده موجود ومحجوز بولنان لیف  
وتل وقطراتلی خلاط ودوق وکریاس وامریقان بزی  
وسفینه لرده استعمال اولنور بوکبی اموال واشیای  
سائر نك فروختی مقرر اولدیغندن بر موجب قرار  
اموال محجوزه مذکوره اشبو کانون تانی رومینک  
یکرمی التیچ چهارشنبه ویکرمی سکزینجی جمعه کونلری  
ساعت بشدن اونه قدر محل مذکوره صاتیله جغندن  
اشتراسنه طالب اولانلرک ودها زیاده معلومات المی  
ایستیانلرک ایام و اوقات مزبوره محل مذکوره  
مأموری مواجهه سنده حاضر بولنلری محكمه تجارت  
اجرا دائره سندن اعلان اولنور.

اسکدار بدایت محكمه سی اجرا دائره سنده :

خیریه وخوریه وبجریه خانلرک سعادتلو عثمان  
بك افندی ذمتنده بااعلام الاجقلری بولنان مبالغك  
تأمین استیفاسی ضمننده حجز آلتیه آلتان اردن کوینده  
قوکار بیکار موقعنده ایکی طرفی مهران افندی کوشك  
وباغچه سی وبرطرفی لب دریا وطرف رابی طریق عام  
ایله محدود وتخمیناً اون بر دونم متصرف اولدیفی  
ترلاسی عندالمزایده ایرا یوز غروش حسابیه اون  
بیک غروشده طالبی عهده سنده تقرر ایدرک تاریخ  
اعلانن اعتباراً برماه ختامنده قرار قطعیسی ویريله جکی  
جهتله یوزده بش ضمیله زیاده طالب اولانلرک  
مدت مذکوره ظرفنده اسکدار بدایت محكمه سی اجرا  
دائرة سنده مراجعت ایلملری اعلان اولنور.